

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Alexandri Magni Regis Macedonum vita**

**Gualterus <de Castellione>**

**Argentin., 1513**

**VD16 G 3848**

Liber Quartus

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

## LIBER QVARTVS

Dixit, & exemplis veterum pro teste resoluit  
 Perfidis acta ducum, quibus incumbente flagello  
 Fortunę, obscuro lugubris cinthia cornu  
 Palluerat, stetit ergo ratum; quod cana senectus  
 Arguerat, meruitq; fidem sententia vatis  
 Editaq; in medium; flexit pauitancia vulgi  
 Corda superstitio, qua nil astrictius ad se  
 Inclinat turbam, regit ora; manusq; refręnat  
 Quę cum seua potens; mutabilis estuat estu  
 Multiuagę mentis; vana si forte mouetur  
 Religione ducum, spreto moderamine, vatum  
 Imperium subit, & regum contemnit habenas  
 Ergo vbi torpentes, spes & fiducia fati  
 Erexit mentes, armis dum corda calerent  
 Utendum ratus est macedo, ne frigeat ardens  
 Impetus, extemplo velli tentoria; circa  
 Noctis iter medium iubet, ac p̄cedit ouantes  
 In primis; raro contentus in milite turmas.

### Argumentum Quarti Libri.



Darius ad vxoris Darij: lacrimabile  
 funus

Conuertit magnum, Darium lamen-  
 ta fatigant.

Falsaq; suspicio, legati certa reportāt

Ad Darium responsa, astant hinc inde parati

Ad bellum cunei, terretur imagine belli

Consiliumq; vocat Macedo, responsa suorum,

ALEXANDREIDOS

Reijcit; & somnum differt in tempora lucis  
 Excitus a somno; perniciter induit arma  
 Premunitq; suos verbis & rebus; & ecce  
 Concurrunt acies. penetratq; in fydera clamor.

¶ Liber Quartus.

**Q**uidus & piceo suffusus lumina fumo  
 Quartus anhelanti; ferale ante tumultus

Lucifer ibat equo. viridesq; effusa per agros  
 Inter harenosi subiectum gurgitis amnem

Et siluas; summo parientes vertice nubes

Desertum rapiebat iter; spe ducta pelasgum

Imperiosa phalanx. cum regia decidit vxor

Captiuarum inter molles collapsa cateruas

Quam dolor; absentisq; viri; patrięq; iacentis

Continuusq; vie labor; expirare coegit

Non secus indoluit regum fortissimus ille

Et pius euerfor. quam si cecidisse peremptas

Nuncius afferret; vna cum matre sorores

Et lachrimis quales Darius fudisset obortis

Exijt in planctu iuuenis. iam cana senectus

Funeris assedit loculo. & que rara tyrannis

Semper inest pietas. fregit generosa rigorem

Principis indomiti. lacrimisq; extorsit ab hoste

Reginę species; non intentiua furoris

Causa sibi fuerat. custodem se esse pudoris

Maluit & formę. neutrumq; sibi temerare

Gloria maior erat; q; si violaret vtrumq;.

## LIBER QVARTVS

Nuncius ad Dariū medijs elapsus achiuis  
It spado tyriates; quem scissa veste trientis  
Vnguibus, & lacero super ora iacente capillo  
Et vultum multo lachrimarum flumine mersum  
Vt vidit, ne differ ait, turbare salutis  
Si quid adhuc superest in me mihi, solue timorem  
In luctum, didici miser esse, malisq; retundi  
Hoc solamen & hoc misero medicina malorum  
Sortem nosse suam, ludibria cruda meorum  
Affers, atq; ipsis omni grauiora flagello  
Quod tamen ipse loqui timeo, tunc excipit ille  
Quantuscunq; potest reginis; inquit, ab illis  
Cedere qui parent; honor & reuerentia tantus  
A victore tuis, verum tua nobilis illa  
Et soror & coniunx; quod vix presumo fateri  
Exijt a medio, corpusq; reliquit inane  
Tunc vero in gemitū & planctū conuersa videres  
Castra, senex iacet exanimus, sedatq; verendam  
Pulvere caniciem infœlix, ideoq; peremptam  
Vxorem, que casta, pati probra nollet apud se  
Nescius affirmat, vnoq; spadone retento  
Excludit reliquos iurat Spado nulla tulisse  
Damna pudoris eam nil importasse molesti  
Raptorem rapte, verum gessisse mariti  
Officium lacrimis, & dignas indole tantas  
Soluisse exequias, hinc sollicitudine mixta  
Suspicio grauius animum traiecit amanti

## ALEXANDREIDOS

Estuat eger amans; a consuetudinē stupri  
 Ortum coniectans rapte; & raptoris amorem  
 Hęc captiua inquit; & forma & sanguine clarus  
 Hic dominus fuit & iuuenis; voluisse probatur  
 Quod potuisse patet, his estuat anxia curis  
 Languida mens Darij; donec testante penates  
 Et superos seruo, castam vixisse maritam  
 Facta fides Dario; tollensq; ad sydera palmas  
 Et faciem irriguo lacrimarum fonte madentem

Summe deum pater inquit, & vna potentia rerum  
 Dij patrij; & quorum nutu stat Persicus orbis  
 Primo queso mihi regnum stabilite; meisq;  
 Quod mihi si tolli iam prefinistis; & a me  
 Transferri fati iubet imperiosa voluntas  
 Regnum Asię, me post hic tam pius hostis habeto  
 Tam clemens victor; dixit; superosq; profusis  
 Inuitat lachrimis, vt vocem fata sequantur  
 Et quamq; frustra; iam pace bis ante petita  
 Consilia in bellum conuerterat, hostis amore  
 Victus; & extemplo; cum palladis arbore tutos  
 Prefectos equitum; quibus allegatio pacis  
 Commissa est, iubet ire decem; quorum vnus achillas  
 Qui quantum eloquio reliquis; tam prestitit quo  
 Sic cepit, Darium rex clementissime pacem  
 Vt totiens a te peteret vis nulla coęgit  
 Sed tua qua; fatis es in nostris vsus ab illo  
 Extorsit pietas, matrem pia pignora natos

## LIBER QVARTVS

Absentes tantum; non captos sensi mus. harum  
 Qui superant custos pius & tutela pudoris  
 Haut secus ac genitor curam geris. omine fausto  
 Reginas dicis; hostilisq; immemor ire  
 Fortunę speciem pateris retinere priorem  
 Luridus in vultu color. & liuentia fletu  
 Lumina conijciunt. quanto clementior hoste  
 Hostis es. & facies aufert velamina menti  
 Talis erat Darij. cum legaremur ab illo  
 Qualis Alexandri patet. vxorem tamen ille  
 Tu lugens hostem. clypeum iam leua teneret  
 Iam stares acie; iam te vibraret in hostes  
 Fulmineus Bucifal. iam te sentiret in armis  
 Horrificum Darius. nisi coniugis eius humane  
 Cura moraretur. rata sit concordia natam  
 Non sine dote offert Darius tibi; quicquid vbiq;  
 Terrarum est inter frixę litoris horam  
 Eufratemq; tibi; nata me diante precatur  
 In dotem capito. teneatur filius obses  
 Et fidei & pacis. redeat comitata duabus  
 Virginitibus mater. quarum ter dena talentum  
 Milia sunt precium fuluo decocta metallo  
 Quod nisi te superi maiori pectore fultum  
 Humanosq; artus diuina mente beassent  
 Tempus erat. quo non solum pacem dare. verum  
 Poscere debueras. & foedus inire. vides ne  
 Quantus ad arma ruat Darius. quot ab orbe remoto

## ALEXANDREIDOS

Excierit gentes. quot classibus equor obumbrat  
 Nec mare nauigio: nec castris terra locandis  
 Sufficit. obiectę claudunt maris hostia puppes  
 Quid moror: vnus habet quas non habet area vires

Magnus vt accepit Darij mandata. citatis  
 In cętum ducibus. quidnam super his sit agendum  
 Consultit. ambiguum videas mussare senatum  
 Et siluisse diu perhibetur curia. donec  
 Parmenio cuius non tam facundia follers  
 Quam constans animus. nec ei tā dicere promptum  
 Fortia. quam facere est. dudū redimentibus inquit  
 Reddendos fore censueram cum maxima posset  
 Ex ipsis: qui vel ob iter periere. vel arctis  
 Compedibus lapsi fugere. pecunia reddi  
 Id quoq; censemus: vt auri pondere tanto  
 Imbellis populus. genitrix cum prole gemella  
 Permitteretur anus. que gręcorum agmen iterq;  
 Impediunt potius. tam latum & nobile regnum  
 Conditione potes nanciscier. absq; tuorum  
 Sanguinis impensa. sed nec reor haętenus hystrum  
 Inter & Eufratem tot possedisse iacentes  
 Quemq; alium terras. tamen & grauiora supersunt  
 Inspice quanta petas. quantumq; reliqueris orbis  
 Post tergum domiti. patriam non Baętra vel indos  
 Pectore habe memori: post fortia facta reuerti  
 Tutius in patriam. quam viuere semper in armis  
 Consulis arbitrium tulit egre Magnus. & a me

LIBER QVARTVS

Si essem Parmeni: oblata pecunia palme  
 Preferretur ait: mallemp; inglorius esse  
 Q; sine diuitijs palmam cum laude mereri  
 At nunc securus; sub paupertatis amictu  
 Regnat alexander. regem me gloriior esse  
 Non mercator em fortunę venditor; absit  
 Nil venale mihi est; si reddendos fore constat  
 Gratius hoc gratis reddi. donoq; remitti  
 Censeo q; censu. precium si dona sequatur  
 Gratia non sequitur. nec habent commertia grates  
 Hęc vbi dicta super responso consulis intro  
 Legatos iubet admitti: Darioq; referre  
 Quod clementer ait feci quodq; indole dignum  
 Nature tribuisse vicem non eius honori  
 Me scierit. me foemineum non sentiet hostem  
 Agmen. Alexandrum tuto contemnere possunt  
 Soli contemti. non infero talibus arma  
 Qui nequeunt armis vti. quibus arma negauit  
 Nature pigra mollicies. armatus oportet  
 Sit quemcunq; odijs aut ira fecero dignum  
 Quod si forte bone fidei inuigilaret vt a me  
 Expeteret pacem totoq; recederet orbe  
 Ambigerem fortassis an id concedere vellem  
 Cuncq; meos modo pollicitis ad prodicionem  
 Sollicitet Darius. modo munere palpet amicos  
 Vt mea fatali maturent fata veneno  
 Persequar ad mortem. nec enim mihi iustus vt hostis



ALEXANDREIDOS

Prælia molitur, verum vt sicarius immo  
 Vt verum fatear vt latro veneficus instat  
 Conditio pacis quam vos prætenditis illi  
 Si tulero acceptum palmarum conferre videtur  
 Quæ trans Eufratem consistunt omnia nobis  
 In dotem offertis, vnde & vos arbitror esse  
 Oblitos vbi colloquimur, mea transijt ala  
 Eufratem metam dotis mea castra relinquunt  
 Pellite ab hinc regem Macedum; vt vestrum sciat esse  
 Quod sibi donatis; multum mihi præstat honoris  
 Si me Mazeo generum præponere querit  
 Ite reportantes vestro hæc mea dicta tyranno  
 Quicquid habet Darius quecumq; amisit & ipsum  
 Esse mei iuris, & pugne præmia grays  
 Sicut, & perfas celeres in castra remittit,

Mittitur a Dario Mazeus vt occupet hostis

Quos aditurus erat colles & plana viarum.

Interea Macedo condiuit aromate corpus  
 Vxoris Darij; tumulumq; in vertice montis  
 Imperat excidi, quem structum scemate miro  
 Erexit celebr digitis hebreus Apelles  
 Nec solum reges; & nomina gentis Achæe  
 Sed genesis notat hystorias ab origine mundi  
 Incipiens, aderat confusis partibus yle  
 Et globus informis, vario distincta colore  
 Quatuor impressis pariens elementa figuris  
 Hic operum series; quæ sex operata diebus

## LIBER QVARTVS

Est deitas, inter quę auro spirante nitentem  
Luciferum: & rutilis lambentibus aera gemmis  
De tenebris primam videas emergere lucem  
Dignior hic; inter animas ratione carentes  
De limo formatur homo, quem costa fefellit  
Propria, letifero colubri seducta veneno  
Exclusis patribus: primaq; a matre receptis  
Ignea custodit virgulti romphea limen  
Inde caym profugus bigami non effugit arcum  
Pullulat humanum genus: & polluta propago  
Discedit virtus, viciũ succedit: adherent  
Coniugio illicitos, pietas rectumq; recedunt  
Factorem si triste notes in imagine signum  
Penituisse putes hominem fecisse; laborat  
Archifaber, genus omne anime clauduntur in archa  
Post refugos fluctus: replet octonarius orbem  
Vinea plantatur, & inebriat vua parentem  
Hic patriarcharum seriem specialius aurum  
Exprimit, emeritos videas ridere parentes  
Venantemq; Esau; turmisq; redire durabus  
Luctariq; iacob, sequitur distractio Ioseph  
Et dolus & carcer, & transmigratio prima  
Hic dolet egyptus denis percussa flagellis  
Transuehit hebreos; equitatus regis & arma  
Subruit; & puro liuescit ponthus in auro  
Hic populum manna: desertis pascit in aruis  
Lex datur, & potum sitienti petra propinat,

## ALEXANDREIDOS

Successit Ben Num Moisi post bella sepulto  
 Natio subijcitur. iordanis contrahit amnes  
 Post cineres iericho; reus est anathematis Achor  
 Perfoluit. Iosue naturę debita; postq̃  
 Funiculo patrium diuisit fratribus orbem  
 Iudicibus tandem populum supponit Apelles  
 Inter quos Sanson fortissimus; & tamen illum  
 Fortior excęcat p̃tonso Dalida crine  
 Rutq̃ moabitis viduata priore marito  
 In genus hebreum felici fędere transit.

Altera picturę sequitur distinctio; reges  
 Aggrediens; & funus Hely Samuelis ab ortu  
 Murmurat in Sylo populus; de Beniamin exit  
 Qui regat hebreos; sed enim quia dissonat eius  
 Principio finis; Isai de semine princeps  
 P̃ficitur populo; qui contudit arma, Golye  
 Inq̃ aciem belli; cum prole cadente tyranno  
 Regia desertos; damnat maledictio montes  
 Hinc Afael abnerq̃ cadunt; incurrit Vrias  
 Quam tulerat mortem; patricidam detinet arbor  
 Quem fodit hasta viri; patriam lugere putares  
 Effigiem. sed postq̃ humanitus accidit illi  
 Construitur templum viuunt mandata sepulti  
 Pacifico regnante patris; nec sacra tuetur  
 Ara Ioab; Semeicq̃ vorax intercipit ensis  
 Consilio iuuenum; phariseat scisma perenne  
 Cum regno populum; lis est de diuite regno

## LIBER QVARTVS

Quodcunq; alterutrum præclare gessit eodem  
 Marmore docta manus & res & nomina pinxit  
 Ne tamen infamet gentem & genus idola regum  
 Sordes samarię; fraterni numina regni  
 Præterit; & funus Iezabel de turre cadentis  
 Morſq; tacetur Achab; & vinea ſanguine parta  
 Non ibi cum ſocio quinquagenarius ardet  
 Sed gens ſacra Baal. gladio feriuntur helię  
 Diſcipulusq; dolet; non comparere magiſtrum  
 Quos tamen illuſtres declarat pagina reges  
 Altior ordo tenet; Ezechias idola purgat  
 Et reuocat longo ſopitas tempore leges  
 Hic egrotantem videras; ſoliſq; recurſum  
 Et clarum titulis; celebrantem paſca Iofiam  
 Præter quos nullus regnauit in omnibus expers  
 Labis apoſtatice; nulluſq; a crimine mundus  
 Ecce prophetarum; quo rege & tempore quiſq;  
 Scripſerit; effigies habet altior ordo locatas  
 Virgo concipiet; hoc ſub Ioachim Ieremias  
 Hoc ſignum dat Achat; ecce inquit filius Hamos  
 Occaſum dolet; & dominum noua monſtra creaffe  
 In terra. mulierq; virum circundabit inquit  
 Stanſq; Ezechiel poſt capram a gentibus urbem  
 Se vidiffe refert; clauſam per ſęcula portam  
 Scilicet intactę designans virginis aluum  
 Occidetur; ait Daniel poſt ſeptuaginta  
 Ebdomadas chriſtus. vatū biſſena ſequuntur

## ALEXANDREIDOS

Nomina cum titulis; & in vnum consona dicta  
 Vltima pars regnum Cyri; populique regressum  
 Sub duce Zorobabel habet, hic reparatio templi  
 Pingitur hystoria hic; non premittitur Hester  
 Causaque mortis Aman; stolidique superbia vasti  
 Hic fedet in tenebris; priuatus luce Thobias  
 In castrisque; necat Olofernem mascula Iudith  
 Totaque picture series finitur in Esdra.

Magnus ut obsequijs tumulo de more peractis  
 Inferias soluit, festinus castra moueri  
 Imperat, & rapido cursu bacchatur in hostem  
 Eumenidum raro contentum milite campos  
 Explorare iubet; vbi rex perseque laterent  
 Quo procul inspecto; Mazeus prepete cursu  
 Contraxit turmas, & sese in castra recepit  
 At Darius patulis auidus decurrere campis  
 Instaurat bellis acies; cuneosque pererrans  
 Pectora tam monitis onerat que prestruit armis  
 Iam loca pelleus castris elegerat; vnde  
 Aurea perfarum poterant tentoria cerni  
 Iam vexilla ducum; spacio distantia paruo  
 Iam stabant acies; hincinde volare videres  
 Ventorum facili incurfu per inane drachones  
 Cum Macedum furor infremuit; strepituque soluto  
 In Perfas raucis stridoribus impulit auras  
 Nec minus aduersi certant elidere Perse  
 Horrifico clangore polum; tremunt axis & orbis

## LIBER QVARTVS

Ad fonitum, tremuloq; genu vix sustinet Athlas  
 Perpetuum pondus; rursus noua bella gygantum  
 Orta putes replicat iteratos echo boatus  
 Et patule rauco respondent gutture valles  
 Armatas inhibere manus; populiq; furorem  
 Vix potuit Macedo; quin excitus ordine rupto  
 Frenderet, incussoq; gradu raperetur in hostem  
 Sed quia iam fessus emerfo cynthius orbe  
 Obtenebrans faciem; ne funera tanta videret  
 Emerito mergi certabat in equore curru  
 Ipse iacit iaculum, & grais edidit eodem  
 Castra locare loco paretur, & aggere facto  
 Serapit ad tumultum; quo totum cominus hostem  
 Et Persas oculis potuit reuocare phalanges  
 Totaq; venturi, facies discriminis illi  
 Obijcitur, videt armifonas radiare cohortes  
 Distinctas acies phaleris; auroq; superbas  
 Barbariem populi; confusaq; murmura vocum  
 Audit, & horrifonus aures præcellit equorum  
 Hinnitus; quæ cuncta viro; si credere fas est  
 Incussere metum; facilemque ad nobile pectus  
 Corq; gyganteum reor ascendisse pauorem  
 Non aliter typhis curarum fluctuat æstu  
 Cui blandita diu zephiri moderamina solo  
 Flamme contentam ducit sine remige nauem  
 Nereidumq; chorus placidis epulatur in vndis  
 Si procul instantes videat feruere procellas

## ALEXANDREIDOS

Et celerés phocas imís a sedibus auster  
 Prémittens madidis tam verberat aera pennis  
 Inclamat focijs. laxifq; rudentibus ipse  
 Conuolat ad clauum: lateriq; amplustre maritat  
 Non secus vt vidit tot milibus arma prementes  
 Barbaricos instare globos. iam credere fas est  
 Magnanimum timuisse ducem; vocat ergo quirites  
 Seu dubie mentis: quid agat: seu verius vt sit  
 Experiatur eos: que sint tractanda requirens  
 Exspectata diu tandem sententia: docti  
 Parmenionis habet. ope noctis eis opus esse  
 Et furto potius quam bello censet agendum  
 Attonitos subito casu; caligine noctis  
 Oppressos: placide torpore quietis inertes  
 Moribus & linguis discordes posse repelli  
 Ex facili. aut cedi gladijs: aut cedere victos  
 Nam si res agitur de luce: horrenda scitarum  
 Corpora. & in tonsis inuisi crinibus Indi  
 Et quos bracta creant: immensa statura gygantum  
 Occurrens oculis: & inani quassa pauore  
 Pectora terribiles poterunt peruertere forme  
 Addit. & a paucis hominum tot milia gentis  
 Nec circumfundi: nec bello posse moueri  
 Preterea Darium probat elegisse parentes  
 Planicie campos: & non vt contigit ante  
 Scilicet angustas inter decernere fauces  
 Tota fere Macedum laudat manus hoc. & in vnum

LIBER QVARTVS

Consonat; hos inter Poliarchon nocte ferendum  
 Afferit; & positum grays in nocte triumphum  
 Hunc rex intuitus; neq; enim iam Parmenionena  
 Sustinet arguere; & tumidis offendere dictis  
 Quem modo consultum; satyra percusserat acri  
 Hic latronis ait mos est; & sollertia furum  
 Quem modo suggeritis; quorum spes vnica voti  
 Summa nocere dolis; & fallere fraude latenti  
 Gloria nostra dolo; nō militat vt nihil obftet  
 Quod mihi candorem famę caligine labis  
 Obscurare queat; iam non angustia saltus  
 Et cilicum fauces; Darij ve absentia segnis  
 Nec furtiua placent timide suffragia noctis  
 Aggrediar de luce viros. victoria quam nos  
 Molimur gladijs aut nulla sit. aut sit honesta  
 Malo peniteat fortune; & sortis inique  
 Regem. quam pudeat patri de nocte triumphu  
 Vincere non tanti est. vt me fecisse dolose  
 Posteritas legat & muniat versutia famam  
 Quin ne fallantur; ne comperiantur ab hoste  
 Perfarum vigiles; & in armis stare cateruas  
 Compertum est; igitur vestijt impendite curam  
 Corporibus somnoq; operi reparate diurno  
 Vicine memores motus instare diei  
 Que nobis medium pessundare debeat orbem  
 Hisq; peroratis. redit ad tentoria miles  
 Econtra Darius Perfas haud segnius armat



ALEXANDREIDOS

Premunitq; suos: facturum conijcit hostem  
 Que facturus erat: si Parmenionis haberet  
 Consilium vires: mandunt alimenta furoris  
 Quadrupedes frenos: falerataq; terga relucet  
 Ignibus accensis, acies ardere videntur  
 Syderibus certant galeę, clypeisq; retulis  
 Inuenisse pares flammis stupet arduus ether  
 Et metuit, fieri celum ne terra laboret  
 Nec minimum gaudet nox: instar habere diei  
 Nam pro sole sibi: Darij datur emula phœbi  
 Cassis. & in summo lampas sedet ignea cono  
 Sydera que noctis obscurans: solaq; solis  
 Solius radijs indignans cedere: quantum  
 Lumine cedit ei: tantum preiudicat illis  
 Mille micant lapides in gyrum: nullus eorum est  
 Quem iubar ardoris non disputet esse pyropum  
 Inuasit subitis concussum motibus ingens  
 Agmen vtrumq; timor: iamq; ausa fouere secundum  
 Aurea sponda louem: sed non spondere soporem  
 Implicitum curis: corpus regale tenebat  
 Hunc placet in dextrum cuneum: de vertice montis  
 Mittere graiugas: nunc leuum frangere cornu  
 Et iussit oppositis occurrere frontibus hosti  
 Molitur modo falcatos includere currus  
 Insomnemq; trahit: agit dum talia noctem  
 Nec capit angustum curarum milia pectus  
 Insula multifidi: q; tygridis alueus ambit

## LIBER QVARTVS

Est ipſo reuerenda loco: quę vendicat orbis  
 Imperijq; caput: quadris vbi ſulta columnis  
 Stat ſita ſub cliuo lunaris in aera motus  
 Regia reginę cuius victoria nomen  
 Mille patet foribus: tremuliſq; ſonora lapillis  
 Intremiſit a tactu toriq; inmurmerat orbi  
 Cardo ſemel flexus ad limina prima ſuſurras  
 Introitumq; tenet curarum ſedula mater  
 Ambitio pernox. ſolio ſedet intus eburno  
 Diua triumphales lauro mordente capillos;  
 Munifica munita manu. cinguntq; ſorores  
 Eius vtrumq; latus: & regia tecta coronant  
 Perpetuę comites lyrico modulamine carmen  
 Immortale canens & in eum gloria viuax  
 Maietaſq; premens rugoſa ſęcula faſtu  
 Conſilianiſq; ſibi facilem reuerentia plebem  
 Et dea quę leges armat quę iura tuetur  
 Iuſtitia in neutram declinans munere partem  
 Aſſidet hijs ſtabilitq; deę clementia regnum  
 Sola docens miſeris miſereri: & parcere victis  
 Has inter locuplex ſed barbara moribus inſtat  
 Fomentum vicij genitrixq; pecunia luxus  
 Pacifico reliquis prelibans oſcula vultu  
 Immemor eſt odij finis concordia belli  
 Et pax agricola. & cum pleno copia cornu  
 Applauſus a fronte ſedent: qui ſeria ludis  
 Miſcentes: vario diuam oblectamine mulcent

## ALEXANDREIDOS

Et fauor ambiguus, & blefo subdoluſ ore  
 Riſus adulator; commentaq; ludicra diuſ  
 Singula Policronos aptant; & muſica circum  
 Inſtrumenta ſonant; numeros aptante camena  
 Hęc vbi tot curas voluentem preſore magnum  
 Vidit, perpetuos cui continuare triumphos  
 A cunis dederat; metuens ne forte futuri  
 Naufragium martiſ inſomnes mergeret artus  
 Emicat extemplo, velataq; nubis amictu  
 Antra quietiſ adit, & deſidiſ atria ſomni  
 Atq; ita; ſurge pater; Macedumq; illabere Regi  
 Dixerat; ille grauiſ vix ſe torpore ſoluto  
 Excutiens madidas vibrauit in aere pennas  
 Quo ſe cunq; rapit; lethęo tacta liquore;  
 Sydera dormitant; ſolitoſ oblita meatus  
 Ergo vbi torpentę grecorum caſtra volatu  
 Attigit, expulſo curarum examine totuſ  
 Principiſ incubuit ſtratiſ, atq; imbuit eiuſ  
 Rore papauereo reſperſa medullituſ oſſa  
 Sic animum regiſ priuſ anxietate grauatum  
 Altior oppreſſit reſoluto corpore ſomnuſ  
 Poſſeditq; diu donec caligine merſa  
 Noctiſ; yperborei languerunt ſydera plauſtri  
 Ethereoſq; celer ſtimularet lucifer igneſ  
 Et iam peſtiferę ducens preſagia luciſ  
 Prodiert tytan Nabatheiſ luriduſ vndiſ  
 Conueniunt proceres orta iam luce pelagi

LIBER QVARTVS

Ad regem; in folito thalamis de morte iacentem  
 Mirantes: alias vigiles excire solebat  
 Et stimulare pigros; & maturare morantes  
 At nunc cum summi discriminis arceat hora  
 Que premit alterutram fatali turbine turbam  
 Explicitum curis torpore quietis inertem  
 Mirantur iuuenem; sunt qui latitare pauentem  
 Celantemq; metum tenebris; nec cedere somno  
 Credere sustineant; tutorum corporis eius  
 Nemo vel intrare propius ve accedere fidit  
 Nec munire latus armis; sine voce iubentis  
 Ire nec in turmas audet sine principe miles  
 Parmenio; ne qua bellum ratione moretur  
 Vtile consilium ratus est; vt corpora curent  
 Vtq; cibos sumant; pronunciat ergo tribunis  
 Iamq; mouente gradus aduersa parte necesse  
 Hjs erat exire; stratum tunc deniq; regis  
 Dux adijt; quem sepe vocans cum voce nequiret  
 Exciuit leuiore manu; lux inquit oborta est  
 Nunc ego te moneo molles excludere somnos  
 Que te quies tenuit; iam meda propinquant  
 Agmina; iam cuneos ammuuit cominus hostis  
 Iam bellona furit; sed adhuc expectat inermis  
 Imperium tua turba tuum; vigor ille rigoris  
 Et virtus animi; que nuncq; fracta refedit  
 Hec vbi nunc; sane vigilum pigritantia somno  
 Corda ciere soles; crede inquit martius heros  
 h iij

## ALEXANDREIDOS

Admitti somnum mihi non potuisse, priusq̃  
 Exonerata grauet posuissent pectora curas  
 Miranti sine fine duci, quod libera curis  
 Pectora dixisset macedo; sed querere causam  
 Non tamen audenti, cum vicos vreret hostis  
 Inquit, cum vastaret agros; excinderit vrbes  
 Cum fugeret, sese diffidens credere fatis  
 Iusta mihi tunc causa metus; onerataq̃ curis  
 Mens erat, alternam non admissura quietem  
 At nunc cum Darus coram me totus & eius  
 Copia tota mihi sese presentat in armis  
 Nec fugiens possit; diuortia querere martis  
 Quid metuam nihil est; sed quid maior? ite parari  
 Vt mos est, alias replicabo licentius ista  
 Dixit, & armari lituo precone pelagos  
 Imperat, ipse suis aptat munimina membris  
 Erea crure tenus serpens descendit ad imos  
 Squama pedes, natum mordacis acumine dentis  
 Castigare moras, & pennas addere plantis  
 Calcar inest; vt cum profugos peruertere cursu  
 Tentabit; si vox non excitat; aut tuba lentum  
 Cornipedem; saltem stimulos latus audiat acres  
 Et leues humeros; & pectus herile tuetur  
 Vertice dependens triplici toga terrea nexu  
 Et teretes vlnas; maculis circumligat vncis  
 Sed parcens oculis; hostem dat posse videri  
 Tutior ut lateat; duplici detecta galero

## LIBER QVARTVS

Corporis humani pars dignior, egra cassis  
 Imprimitur capiti; flammantibus ignea tristis  
 Inferitur lateri; riuos factura cruoris  
 Dira lues gladius, per quam Iouis atria nigri  
 Manibus exspectant vacuos implere penates  
 Poscitur huic Bucifal: cui rex vt prepete saltu  
 Infedit, domuitq; ferum domitor ferus orbis  
 Leua manus clypeo: felici sedere nubet  
 Sic tamen, vt frenis equo iungatur amore  
 Fraxinus in dextra est, cuius flagrante coruscat  
 Vexillo cuspis; & verberat astra leone  
 Non magis a primo duri discrimine martis  
 Hunc alacrem videre sui; veniente fuorum  
 In medium magno, spes sana resuscitat egro  
 Agmen, & in vultu victoria visa sedere est  
 Ipse suis igitur distingens partibus agmen  
 Disponens aciem quo debuit ordine; currus  
 Falcatos Dario que spes est vna triumphi  
 Excipere; ordinibus saxis; cetuq; soluto  
 Euitare iubet; & non impune vagari  
 Aurigas & equos, sed eos inuoluere telis  
 Dumq; monet; munitq; suos; dum pectora dictis  
 Roborat, elapsus a medis transfuga medus  
 Transmeat ad regem Darium qui ferrea terre  
 Instrumenta refert astu mandasse latenti  
 Muricibus quibus est nomen, si viribus hostem  
 Vincere non possit, retinere tenacibus vncis

## ALEXANDREIDOS

Sperat; & occulta graios forbere ruina  
 Quo simul ac cepto; medus ne falsa loquatur  
 Ne capiat sermone suos. rex imperat illum  
 Seruari, tamen ipse locum fecitq; notari  
 Monstrariq; suis; vbi rex Babilonius arce  
 Fretus vlixea; terrę mandauerit vncos  
 Neue repulsa dolis succumberet ardua virtus  
 Omnibus ostendi iubet; ostensumq; cauere  
 Suspectum de fraude ocum, tunc vero fluentes  
 Precedens acies verbo; nutuq; loquaci  
 Ad lites animans vestr̄is labor vltimus inquit  
 Pre manibus socij bellum quod Grannicus annis  
 Vidit, & angusto Cylicum victoria saltu  
 Quid laudis, quid honoris habent nisi sine beator  
 Terminet extremum deus; & fortuna triumphum  
 Sed fortuna deus ea; que pro viribus astans  
 Semper Alexandro, tam sub me sce ptra tenere  
 Q̄ sub se gaudet alios regnare potentes  
 Hęc vbi me Macedum moderantem gręcia vidit  
 Frena; meos ex tunc promouit; eisq; no cere  
 Velle licet liceat, sed non audere licebit  
 Ista nihil preter numerum discriminis affert  
 Tam populosa cohors, sed & hęc fortuna laborat  
 Quam pudet exiguos totiens numerare triumphos  
 Vt in vincendum simul & semel afferat orbem  
 Tanto plurius erit vobis victoria quanto  
 A paucis partam de pluribus esse liquebit

## LIBER QVARTVS

Ite per imbelles gladio ductore cateruas  
Cernitis vt solem gemmis auroq; corusci  
Obscurent clypei.lapidumq; superbia conos  
Occupet:ardentes vt purpura vestiat agros  
Vincere quis nolit:ubi sic in bella venitur  
Quis nisi mentis inops:oblatum respuat aurum  
Congestas orientis opes,arabumq; laborem  
In promptu rapere est:menti si pareat ensis  
Si cupido cordi,gladij respondeat ictus  
Si tam cedis amans animus:sitientq; cruoris  
Quam sitiens auri:vestrum est quodcunq; videtis  
Non ascribo meum tantum mihi vincite:predam  
Diuidite inter vos,qui metum vincere curas  
Participem me laudis habes:tibi cetera sume  
Exemplar me laudis habe:famamq; gerendi  
Martis Alexandrum;nisi primus in agmine primo  
Rex apparuerit:si tergum verterit hosti  
Excusatus erit:veniamq; merebitur ille  
Qui fugiet:qui lentus aget:si vero remisse  
Nil aggressus ero:si nunquam dixero forti  
I prior i:sed in arma veni precedere visus  
Tunc demum socios sum dignus habere sequaces  
Exemplo quicunq; regit documenta vigoris  
Exhibeat,moueat fortes:sic fatur:& ecce  
Concurrunt acies,it tantus in ethera clamor  
Et vulgi strepitus:quantum si dissona mundi  
In chaos antiquum:rediuiua lite renascens



## ALEXANDREIDOS

Machina corrueret; rerum compage soluta  
Horrificum concussa darent elementa fragorem

¶ Argumentum.



Qvintus habet strages variasq; & fu-  
nera caris

Deplorata suis. victos apud Albela  
Perfas (re tractans

Consultit Arsamides; de diro tempo-

An melius sit eis reparato robore latis  
Medorum regnis rursus committere fatis  
Sed proceres herent; ad donatiua maniplos  
Conuocat eacides. & donis vulnera curat  
Ecce vir illustris & non inglorius. illa  
Precedenti acie stipatus prole virili  
Mazeus regem Babylonis mœnibus infert.

¶ Quintus liber.

Q Ege nume regis lata de mensibus olim  
Quintus ab ancipiti descendens ordine lano  
Mensis erat; roseis distinguens partibus annum  
Et gemino plausu gaudebant hospite phœbo  
Ledei fratres; prima cum parte diei  
Concurrere duces emerfo tempore; cuius  
Preguidissoluem Medis Persisq; futurum  
Creditur in scripto Daniel mandasse latenti  
Affuit a siccis veniens aquilonibus hyrcus  
Ultio diuina proles Philippida magnus  
Quem procul vt vidit galea flammante coruscum